



Universitätsbibliothek Paderborn

**Martini Bonacinae, Sacr. Theologiae, Ac I. V. D. Vticensis
Episcopi, Tractatus De Legitima Svmmi Pontificis
electione, iuxta Summorum Pontificum, praesertim
Gregorij XV. & Sanctiss. D. N. Vrbani ...**

Bonacina, Martino

Lvgdvni, 1637

I. De electione per scrutinium, seu per scrutinium, & accessum. In hoc
puncto explicabo conditiones ad electionem per scrutinium, vel per
scrutinium, & accessum requisitas.

urn:nbn:de:hbz:466:1-10669

obtinuerit, seu iuxta conuentionem, vel statutum. Electio per inspirationem fit suffragiis omnium, nemine dissentiente. Electio per compromissum contingit, dum Electores inter se non conueniunt, & ob id alium, vel aliquos eligunt, vt electio ipsius iudicio, vel arbitrio fiat, has omnes electionis formas seruari permittit Gregor. X V. & electionem alia ratione factam irritat, vt patet ex §. *matura*, & §. *quòd si electio*. Addi posset quarta creandi Pontificem forma, quæ fieri potest à Papa, designando, seu eligendo successorem. Has singulas electionis formas seorsim maioris perspicuitatis gratiâ explicare decreui in quatuor punctis proximè sequentibus.

PVNCTVM I.

De electione per scrutinium, seu per scrutinium, & accessum. In hoc punto explicabo conditiones ad electionem per scrutinium, vel per scrutinium & accessum requisitas.

S V M M A R I V M.

- I *Electio per scrutinium requirit debitum suffragiorum numerum.*

I 3

2 *Suffra*

134 *De Electione legitima*

- 2 *Suffragium iam latum, an reuocari possit?*
- 3 *Suffragium in quo plures nominati sunt, irri-
tum est.*
- 4 *Electio fieri debet per secreta suffragia.*
- 5 *Suffragium quandónam dicatur secretum.*
- 6 *Electio facta per adorationem inualida est.*
- 7 *Electio valida est etiamsi Cardinalis retule-
rit quod in suo suffragio continetur.*
- 8 *Electio an valida sit, dum Cardinalis suum
suffragium alijs ostendit antequam illud
clauderet.*
- 9 *Electio valida est etiamsi aliqui tulerint sua
suffragia aperta, is tamen cui lata sunt non
fuit electus, sed alius.*
- 10 *Electio an vitetur ob duo, vel tria suffragia
aperta.*
- 11 *Electio inualida est, dum quis seipsum eli-
git, & ipsius suffragium complet numerum
ad electionem requisitum.*

VNICA PROPOSITIO.

I **Q**uatuor saltem conditiones in electio-
ne per scrutinium necessariæ sunt.
Prima est, vt adsit debitus suffragiorum nu-
merus, debitus autem numerus consistit in
suffragiis duarum partium Cardinalium in
Conclavi existentium, siue ad hunc num-
rum

rum perueniatur in solo scrutinio, vel in scrutinio, & accessu simul; nam *in bulla Gregor. XV.* dicitur, *suffragia duarum ex tribus partibus Cardinalium in Conclavi presentium in scrutinio, seu scrutinio, & accessu.* An autem in numero suffragiorum computari possit suffragium, quod electus sibi tribuit, constabit ex infra dicendis conditione 4. num. 14.

2 Quæres vtrum is qui suum suffragium tulit, possit illud reuocare, & alium eligere. Respondeo negatiuè dum suffragium in calice positum est. Ratio est, tum quia eligens iam functus est munere suo, & electo per huiusmodi suffragium acquisitum est aliquod ius, licet non plenum, nec perfectum; tum quia nemo mutare potest consilium in alterius præiudicium, dum res non est integra, sed inchoata, *l. nemo, ff. de reg. iur. rum quia huiusmodi mutatio, & reuocatio damnum Ecclesiæ afferre posset, hoc enim pacto protrahi & differri posset electio in qua periculum est in mora cap. cùm inter uniuersas, de electione: ita Glossa, Ioannes Andreas, & Panormit. in cap. unico verb. occultis, ut Ecclesiastica beneficia, Syluester verbo *electio 2. quæst. 4. Miranda in manuali Prælatorum, tom. 2. q. 23. art. 24. Rodriguez tomo 2. quæst. 5. 1. art. 7.**

3 Secunda conditio est, vt in schedula scrutinij,

tinij, vel accessus, plures non nominentur, alioquin suffragium irritum est, licet postea in accessu liberum sit illi qui huiusmodi suffragium cum plurium nominatione in scrutinio tulit, eligere vnum ex nominatis in primo scrutinio, vel ad alium accedere, qui in scrutinio ab uno saltem nominatus fuerat, ut patet ex eadem Gregorij bulla, ibi: *Nulli autem tam in schedula scrutinij, quam accessus plures nominare liceat, alioquin suffragium, in quo plures fuerint nominati, nullum sit; accedere tamen vni ex nominatis a se in dicta schedula, vel alij, dummodo aliquod aliud suffragium in eodem scrutinio tulerit non prohibeat, & in numero Cardinalium in Conclavi praesentium numeretur.*

4 Tertia est, ut electio fiat per suffragia schedularum secreta, alioquin irrita est electio, nam in praefata Gregorij bulla, dicitur, *Quod si electio aliter, quam per secreta schedularum suffragia duabus ex tribus partibus Cardinalium in Conclavi praesentium in scrutinio, seu scrutinio, & accessu, electi suffragio non computato, celebrata fuerit, nulla sit, & inualida, eo ipso absqueulla declaratione, & ita electo nullum ius tribuat, &c.* Garzias part. 5. cap. 4. n. 183. & sequentibus.

5 Sed modò dubium est, quandonam suffragia schedularum dici possint secreta. Respondeo, dici secreta, dum obsignata sunt, ita

vt

vt ab aliis communiter deprehendi nequeat, quod in ipsis est. Ratio est, tum quia secretum contrà distinguitur, à publico, patente & notorio, sed quamdiu suffragium est obsignatum, non est publicum, patens, & notoriū; ergo est secretum, oppositum enim oppositas habet rationes, *l. fin. ff. de legat.* tum quia suffragia ideo obsignari iubentur, vt suffragator deprehendi non possit; ergo tandem suffragium est secretum, quandiu suffragium ita obsignatum est, vt nomen suffragatoris communiter cognosci non possit ab iis, qui schedulam præ manibus habent.

6 Ex dictis sequitur, Primò inualidam esse electionem hoc tempore factam per adorationem; tum quia huiusmodi electio non fit per secreta suffragia; electio enim per adorationem olim fiebat prævio tractatu de speciali persona, non solum informatuo, & consultuo, sed etiam inclusuo, vel exclusuo; deinde sequebatur salutatio, & veneratio, deinde apertum & publicum scrutinium, quo singuli suffragium apertè proferebant, profitebantur, & protestabantur; tum quia præcipius Gregorij X V. scopus, & finis in hac constitutione fuit, formam eligendi per adorationem auferre, & abrogare; quamuis enim forma electionis per adorationem

I 5 non

non sit intrinsecè mala , nec iuri naturæ aduersetur (singuli enim ipsius actus , si per se precisè spectentur, mali non sunt, vt patet eos singillatim perpendenti, & examinan-
ti , alioquin tot Cardinales integerrimi , & Pontifices Doctissimi hoc non permisissent:) nihilominus iure merito abrogata fuit propter incommoda quæ ipsam consequebantur, nempe inquietudo animi , diuisio factionum, præcipitatio deliberationis , & consiliorum, inæqualis conditio Cardinalium ad Pontifi-
catum , imò perpetua exclusio nonnullorum à Pontificatu , priuatio libertatis ferendi suf-
fragia, periculum simoniacæ conuentionis, & similia quæ non minus fusè, & prolixè, quam eruditè 28. quæstionibus prosequitur Sopra-
nus *de electione Pontificis lib.4.part.2.*

7 Secundò sequitur validam esse electio-
nem , etiamsi aliquis Cardinalium aliis retu-
lerit, quod in schedula continetur; suffragium
enim schedulæ adhuc secretum est, vt colli-
gitur ; tum ex allatis rationibus ; tum quia
fieri potest , vt aliud in schedula scriptum sit,
aliud voce , & ore proferatur ; tum quia te-
stamentum non definit esse clausum, & secre-
tum , etiamsi testator aliis significet disposi-
tionem in eo contentam ; ergo etiam suffra-
gium schedulæ , non definit esse secretum,
quamuis

quamvis suffragator indicet contenta in sua schedula; aliud enim est suffragium, seu contenta in suffragio nō manifestari, aliud ipsummet suffragium schedulæ secretum esse; suffragium schedulæ in se, & materialiter loquendo secretum remanet, etiamsi suffragator manifestet contenta in schedula; nam per huiusmodi manifestationem nihil additur, vel detrahitur suffragio schedulæ, & Summus Pontifex non absolvit, & simpliciter irritauit quamlibet electionem factam per suffragia non secreta, sed eam quæ sit per suffragia schedularum non secreta, vbi notanda sunt illa verba schedularum non secreta, ita Garzias de benef. part. 5. cap. 4. num. 196. vbi in simili adducit declarationem sacræ Congregationis.

Tertiò sequitur validam esse electionem, etiamsi contentum in suffragio reuelatum fuerit conuento signo, seu nota aliqua ex conventione superaddita, seu contra signo; quamvis enim reuelans grauiter peccet, & excommunicatione puniatur in bulla Gregor. X V. nihilominus electio valida est, quia suffragium schedulæ adhuc secretum est.

8 Addunt Nauar. consil. 9. de elect. Rodriquez tom. 2. q. 51. art. 9. & Sopran. lib. 4. cap. 8. quæst. 2. & 3. Miranda q. 23. art. 29. electionem validam esse, etiamsi suffragium aliis Cardinalibus

140 *De Electione legitima*

bus demonstratum sit, antequam claudetur; electio enim adhuc dicitur facta per suffragia schedularum secreta, id est clausa, & obsignata, non verò aperta, publica, & patentia. Hæc opinio probabilis est, quamuis opposita non careat probabilitate; tum quia suffragium demonstratum pluribus effectum est publicum, nec per occlusionem, & sigillum superadditum publicitatem amittit; tum quia aliud est electionem fieri per suffragia clausa, aliud per secreta; præfata electio diceretur facta per suffragia clausa, non per secreta, ita Garzias de beneficij p. 5. cap. 4. num. 193.

9 Quartò sequitur, validā esse electionem, si nonnulli suffragia aperta, & non obsignata tulerunt, sed is, cui data fuerūt suffragia aperta, electus non fuit, sed alius. Ratio est, tum quia electio istius facta est per suffragia secreta, cùm suffragium illud apertum, non ad electionem istius, sed alterius pertineret; tum quia quemadmodum ut electio vitietur ob simoniam, opus est ut simonia influat in electionem; ita ut electio vitietur ob suffragia aperta, & non secreta, opus est, ut suffragia aperta influant in electionem; alioquin electio non dicitur facta per suffragia non secreta, ita Nauar. & Sopran. locis statim citandis; Miranda in Manuali tom. 2. q. 23. art. 19.

10 Roga

10 Rogabis vtrum electio vitietur, ob duo, vel tria suffragia aperta, seu non secreta; Nauar. tom. I. conf. 9. num. 3. de electione, Rodriquez quæst. regular. tom. 2. quæst. 51. art. 9. Miran. tom. 2. quæst. 23. art. 19. Sopran. quæst. 1. & sequentibus. & alij in simili loquentes de electione Regularium facienda per secreta suffragia, iuxta dispositionem Concilij Tridentini sess. 2 c. 6. de regular. afferunt electionem non vitiari, & subuerti, etiamsi vnuus, vel duo suffragium apertum, & non obsignatum ferant, nisi hoc publicè constaret, & permitteretur à Capitulo. Ratio ipsorum est, primò, quia factum vnius aut plurium, toti Capitulo, seu Collegio nocere non debet; secundò, quia alioquin in vnius, vel alterius potestate positum esset quamcunque Romani Pontificis electionem turbare; quisque enim posset suffragium aperatum ferre, & secuta electione alicuius, qui sibi non probatur, opponere vitium suffragij non secreti. Tertiò, quia illud vitium irritam reddit electionem, quod culpa electi committitur, hoc autem vitium non committitur culpa electi, cum ipse inscius sit talis vitij, ut suppono, nullum enim vitium imputari potest culpæ illius, qui præfatum vitium ignorabat: peccatum enim non est, nisi sit voluntarium: voluntarium autem esse non potest, ubi deficit cognitio.

Hinc

Hinc præfati Doctores inferunt præfatam electionem validam esse , nisi fortè toti Collegio constet, de suffragio aperto. Tunc dicitur aliquid constare toti Collegio , seu notum esse toti Collegio , seu fieri Collegio vidente, aut consentiente, seu collegialiter, dum omnes hoc sciunt , & præterea sciunt hoc sciri ab aliis ; quamobrem , si omnes quidem aliquid sciant, sed nesciant idem ab aliis scire, non dicitur sciri collegialiter, sed potius singulariter; consequenter illud dicitur secretum toti Collegio , sicut notorium illud dicitur , non quod centum, mille, & plures sciunt , si singulariter sciunt; sed quod quis ita scit , ut sciat etiam ab aliis sciri.

Sed mihi respondendum videtur , cum distinctione , vel is qui electus fuit , habuit sufficientem numerum suffragiorum , præter illa aperta, vel non habuit : si habuit sufficientem numerum suffragiorum , præter illa aperta, probabile est electionem validam esse , quia dicitur facta per secreta schedularum suffragia ; aperta enim superflua sunt , ut suppono, nec electioni aliorum obesse debent ; si vero non habuit numerum sufficientem, sed suffragia aperta numerum sufficientem cum aliis constituebant, existimo electionem inualidam esse, quia dicitur aliter facta, quam per secreta suffra

suffragia; facta enim fuit non solum per suffragia secreta, verum etiam per non secreta, etiamsi forte Capitulum capitulariter ignoraret; ignorantia enim Capituli non efficit, ut suffragia schedularum aperta, secreta sint; ita Garzias *de benefic. part. 5. cap. 4. num. 184.*
¶ 193.

Ad primam rationem in contrarium. Respondeo primò, vitium vnius, vel plurium non nocere toti Capitulo, ita ut totum Capitulum puniri debeat, sed solum ipsimet delinquentes. Respondeo secundò vitium vnius, vel plurium in præfato casu non nocere toti Capitulo, vel Collegio, sed non prodesse, quia ipsorum suffragium non sufficit ad electionē.

Ad secundam respondeo, cuilibet competere ius turbandi electionem, quæ legitimè facta non fuit, præsertim si electio nondum completa fuit; completa verò, & absoluta electione, credendum non est, præsertim alleganti propriam turpitudinem, ut suprà dixi, cum Baldo, & aliis *cap. inter dilectos de donat. & l. mercenale m, C. de condit. ob turp. cauf.*

Ad tertiam respondeo, electionem aliquando irritari, non solum ob culpam electi, verum etiam ob defectum formæ substantialis, sine culpa electi contingentem.

11 Quarta conclusio est, ut nullus scipsum eligat.

eligat. Ratio est primò , quia Gregorius X. in §. numerum , & in §. quod si electio , decernit neminem posse sibi suffragium dare, & huiusmodi suffragium computandum non esse in duabus ex tribus partibus Cardinalium in Conclavi præsentium requisitis , quamuis ipsemet electus computandus sit in numero Cardinalium, consequenter si sexaginta Cardinales computato electo in Conclavi existant, is qui obtinuit quadraginta suffragia; censetur legitimè electus , modò sibi suum suffragium non dederit, alioquin non est legitimè electus defectu debiti numeri ; suffragium enim proprium non prodest ; ob id in præfato casu , in quo quis habuit quadraginta suffragia, aperiendum est suffragium electi, ut cognoscatur an ipse sibi suffragatus sit.

Secundò, quia nemo sibi sumere debet honorem , sed qui vocatur à Deo , tanquam Aaron *ad Hebr. 5.*

Tertiò , quia nemo debet oriri à se ipso, *cap.in Scripturis 8.quest.1.*

Quartò, quia suffragiis confertur potestas, & iurisdictio ; sed nullus potest sibi iurisdictiōnem dare ; ergo neque potest sibi suffragium dare , seu eligere : minor probatur , quia interdantem, & acceptantem, necessaria est distinctio, *l.iff.de auctor.tutorum , & cap.finali, de constitut.*

stitut. nec ullus potest seipsum producere, electus autem ad aliquam dignitatem, censetur moraliter, & ciuiliter productus, quoad illam dignitatem ad quam electus est: ex quo licet inferre suffragium, quo quis ante Gregorianam constitutionem se ipsum eligebat, non profuisse, nec computatum fuisse in numero suffragiorum, sicut neque modo computatur, licet in numero eligentium computetur nunc persona ipsa quæ se ipsam eligit, aliàs verò non computabatur, & ob id ipsius suffragium non proderat positiuè, sed negatiuè, quatenus eligens seipsum, non computabatur in numero eligentium, sicque minor suffragiorum numerus ad electionem sufficiebat, ita Romanus *consil.* 227. Gondislaus Villadiego de orig. & potest. Cardin. quæst. 5. num. 24. Panormit. & alij, quos citat & sequitur Gambara de potest. legati, lib. 9. num. 140. Na- uarr. lib. 1. consil. 6. num. 4. de elect. Miranda in Manuali tom. 2. quæst. 23. art. 15. Albanus quæst. 18. de Cardinalibus. Azorius 2. part. lib. 4. cap. 5. quæsto 8. Emanuel Rodriquez tom. 2. quæst. regular. quæst. 53. art. 12. sub finem. Sopran. in tract. de elect. Pontificis, lib. 4. cap. 8. quæst. 5. contra Bartholomeum Soccinum afferentem absolutè electionem sui valere, & votum pro se ipso in electione computandum esse, &

K contra

146 *De Electione legitima*

contra Bart. l. si consul. ff. de adopt. existimantem aliquem posse seipsum eligere, dum facultas eligendi pluribus commissa est, non verò quando vni tantum est demandata, l. si mandauero, §. si tibi ff. mandato; quæ sententia probabilis mihi videtur præcisa Gregorij XV. constitutione. Ratio est, quia dum facultas eligendi pluribus commissa fuit eleætio fit à communitate, à qua singulares personæ seorsim sumptæ inadæquate distinguuntur; & hæc distinætio sufficit ad collationem dignitatis, & iuxta istam distinctionem, facile solui possent rationes aliorum DD. præcisa illa, quæ ex Gregorij Bulla desumitur, & est præcipuum quartæ conditionis fundamen-tum.

P V N C T V M I I.

De electione per compromissum.

S V M M A R I V M.

- 1 Compromissum de consensu omnium Cardinalium fieri debet.
- 2 Electio per compromissum, valida non vide-tur, nisi Cardinales compromittentes con-sentiant,